



# Ավետիք Իսահակյան

## Ազատության գանգ

Ազատության Ջա՛նգ, դու վե՛հ դողանջե՛  
 Կովկասյան վսե՛մ, վե՛ս բարձունքներից,  
 Ինչպես մրրիկ՝ շաչե՛, շառաչե՛,  
 Մինչև սիգապանձ ազատն Մասիս:

Անհագ վրբեժի և ընթոստացման,  
 Ե՛վ բուռն ցասման բարբառը հնչե՛,  
 Ժողովուրդների անկա՛խ, ինքնիշխա՛ն՝  
 Դաշն ազատական խրոխտ դողանջե՛:

Լեռներից խրճիթ, և ձորերից – ձոր,  
 Եվ սրտերից սիրտ ձայնդ թո՛ղ թռչի,  
 Եվ ընդվրզումի պատգամդ հզոր  
 Հավիտյան անլուռ երբեք թո՛ղ չհանգչի:

Ընթոստ ոգինե՛ր, թև առե՛ք, հասե՛ք,  
 Եվ գանգահարենք ամո՛ր, միահամո՛ւտ.  
 Չանգն ազատության գանգահարեցե՛ք  
 Կովկասի համար հանո՛ր, ընդհանո՛ր:

Եվ որոտա՛, Չան՛գ, և արթնացրրու  
 Դարավոր նիրհից Մասիսն ու Կազբեկ,  
 Թափ տո՛ր թևերդ, արժի՛վ լեռներո՛ւ,  
 Քրնած առյուծներ, բաշերդ թոթվե՛ք:

Եվ բավական է՝ անարգ լրծի տակ  
Մենք ստրուկ մնանք՝ ձեռներըս շրդթա,  
Կապանք փշրելու մեզ թո՛ւյն ու կրրակ,  
Մեզ ուժ և կորով, վրբեժ որոտա՛.

Եվ մեզ ամենքիս մրոնչա՛, կոչե՛  
Մահվան ու փառքի դաշտը պայքարի.  
Սրբբազան ռազմի շեփորը գոչե՛  
Ընդդեմ բռնության, ամբարիշտ Չարի:

Եվ ազատության նորոգ արևի  
Ոսկի ներբողը, Չա՛նգ, գրվարթ հրնչե՛.  
Բյուր գագաթներից ազատ Կովկասի  
Սուրբ եղբայրության տոնին մեզ կանչե՛:

1903

Ղազարապատ